

A pit a lettèr tae ye bak in Juín leukkin a han frae ye wi a shoart scance furtæ pruiwe likelie new spierins fur tha 20an21 Heid-coont. Tha scance bes throcht wi Ipsos MORI, tae tha Norlin Airlan Statistics an Screengin Agentrie (NASSA).

Gin ye hae made repone aareadie, we'r gye an ableeged tae ye fur gan tae tha boather.

We'r leukkin tae get wurd frae aa tha fowk we can

Gin ye haenae fillt oot tha scance yit, A'd be hert-gled ye wud gie twa-thrie meenits tae gie's an inpit tae tha wittins fur tha nixt heid-coont. Tha scance shudnae tak onie mair nor about five meenits tae throch. Yokkin til't is aathegither at yer ain wull.

Ye'll can throch tha scance ower tha wab or oan paiper

Furtæ throch tha scance ower tha wab, wud ye iuver key in this cleek:

<http://ipsos.uk/census-research>

an pit in yer yinsum ingang code:

[ACCESS_CODE]

We'd be ableeged gin ye'd throch tha scance as quïck as ye can; no eftèr tha riggin o tha nicht oan Monday 14t Aagist, but.

Gin ye'd liefer hae't, ye'll can yokk til't wi fillin oot tha paiper spierins lappit in an sennin it til Ipsos MORI in tha nae-charge bakkin we hae gien ye.

Tha repones ye gie wull be hannelt in hiddlins.

Fyn oot mair wittins ower tha blaud

Gie tha blaud a thraw furtæ hae mair wittins anent tha scance, NASSA an tha heid-coont.

We'r gye an ableeged til ye fur pittin in yer time tae gie's a han.

Wi an aefault hairt



Dauvit Mairshall (Doc)
Norlin Airlan Statistics an Screengin Agentrie (NASSA)

Wha wud ye be?

Ipsos MORI is throchin tha scance tae tha Norlin Airlan Statistics an Screengin Agentrie (NASSA). Ipsos MORI bes a scowth screengin agentrie. Ye'll can fyn mair wittins at www.ipsos.com/ipsos-mori/en-uk

NASSA haes tha ontak o gaitherin an ootsettin statistics tae dae wi tha sillerin, tha kyn o tha fowk an tha resydentèr curns in Norlin Airlan. Forbye, NASSA rins tha heid-coont in Norlin Airlan ilka 10 yeir. Ye'll can fyn oot mair wittins at <https://www.nisra.gov.uk>

Furwhy haes ma hoose bin gien a biddin tae throch tha scance?

Yer hoose wus waled beguess tae hae a biddin tae yokk til tha scance frae a leet o póast codes in Norlin Airlan.

Whut wud tha scance be tae dae wi?

Tha scance pits spierins anent yersel an yer hoose. We'r pruiuin spierins tae mak siccar 'at tha 20an21 Heid-coont spierin paiper is gye an aisie tae throch.

Whut wud tha heid-coont be?

Tha heid-coont taks tha soume o tha fowk an gaithers ither wittins anent hooses an tha yins leevin inby. It wud be yaised wi tha heid govermint an local owerances, consarns an awmous curns, fur tha like o uphauidin desarns anent weirdin siller, ootpit o fennin an tentin tae odds atween fowk.

Whut bodies in ma hoose may throch tha scance?

Yin bodie 16 yeir auld or mair bes fit tae throch tha scance. Gin ye'r tha yin bodie 16 yeir auld or mair, syne ye'r aa tha yin that may throch tha scance.

Wull ye be fit tae hae a leuk at ma sindèrie repones?

Naw. Naebodie at Ipsos MORA or at NASSA wull be fit tae fyn ye oot or leuk whut wye ye hae made repone til tha spierins. Ipsos MORI wull compluther tha repones frae aabodie 'at haes yokkt til tha scance, an tha wittins wull be unkent.

Gin ye wud spier intil't mair yit, we'd be ableeged gin ye'd awn wi Ipsos MORI wi l-póast or langbl'r.

L-póast: censusresearch@ipsos.com

Langbl'r: **0800 819 9031**